

Udal talde politikoaren iritzia



GETXO, KIROLAREN HIRIA BIZKAIKO BADIAN

Getxoztarrei planteatu genien konpromiso argia eta ilusioz beterikoa, EAJ-PNV taldearentzat erronka estrategikoa dena. Izan ere, duela hiru urte egin genuen aurkezpenean sinesten dugu, zeinetan Getxo nabarmentzen baita hiri zoragarri eta ilusio handien iturri gisa: berrikuntzaren eta oparotasunaren sinonimo; XXI. mendean identitate propioaz aurrera egiten duen udalerrria da Getxo, hazi, bizi, lan egin eta gozatzeko tokirik onenetariko bat baita.

Getxon sortu, bizi, lan egin eta gozatzeko, funtsezkoa da kirolaren eta jardueraren fisikoaren aldeko apustua egitea alderdi eta baldintza guztietan. Eta argi dute hori bai Amaia Aguirre alkateak, bai Getxoko Udaleko EAJ-PNV talde osoak. Argi eta ozen esan dezakegu Thinking Fadura proiektu izugarrian lan handia eta etengabea egiten ari garela, eta horren erakusgarri da gune osoan sortzen ari den parke zoragarriaren bilakaera, bai eta gure herriko kirol-erakundeek gozatzeko garagar-dotegiaren proiektua ere.

Hala, aipatutako proiektuan eta jarduketan oinarriko kirola, kirol-jarduerak eta adin guztietarako ariketa fisikoa dira



gure funtsezko konpromisoa. Alderdi hori azpimarratu nahi dugu, Getxo Kirolak erakundeak gauzatzen dituen ekimen guztietan aplikatzen baitugu. Kirolaren alorreko elkarte-sarea oro har osatzen duten klubak, erakun-

deak eta elkarteak kirolaren esparruan egiten diren harreman nahiz proiektu guztien eta egindako lanaren ardatz dira. Esate baterako, Getxoko kirol-klubek haur eta gazteentzako ikastaro eta jarduerak ugari antolatuko dituzte uda

honetan. Udako ikastaroen izugarriko osagarria izango dira, zeinetarako Getxo Kirolak erakundeak 1.300 plaza baino gehiago eskaini baititu. EAJ-PNV alderdiak beteko dituen konpromisoak dira horiek guztiak.



PORTU ZAHARRA ETA ARRIGUNAGA LOTZEN DITUEN KOSTALDEKO PASABIDEA



Gaur egun pasealeku bikain bat daukagu Getxoko kostaldean zehar, Arrigunaga hondartzatik Sopelako mugaraino doana. Aitzitik, pasealeku hori kontrako noranzkoan mozten da. Horretarako, Alderdi Popularreko kideok proposatu nahi dugu Arrigunaga hondartza eta Algortako Portu Zaharra lotzen dituen kostaldeko pasabide bat sortzea, oinezkoentzako eta bizikletentzako. Bi puntu horiek

lotuz gero, Getxoko kostaldeko konexioa erabatekoa izango litzateke. Horrez gain, aipatzekoa da itsasadar guztia barne hartuko duen bulebar berria, Bilbo eta gure udalerrria lotuko dituen; horri esker kostaldeko pasealeku izugarria lortuko dugu, oinezkoentzako eta bizikletentzako izango da, eta Bizkaiko hiriburuan hasi eta Sopela udalerriaz haratago amaituko da. #esnatuGetxo



ELKARTASUNA ALCONZAKO LANGILEEKIN

EH Bildutik gure elkartasuna adierazi nahi diegu Berangoko Alconza-Irizarreko langileei. Enpresako zuzendaritzak 25 langile kaleratu berri ditu eta ez du inolako konponbiderik aurkeztu enpresaren etorkizuna bermatzeko. Alconzan lan egiten duten langile asko Getxoko auzokideak dira, eta 70 egun baino gehiago daramatzate greban euren enpleguaren alde eta industria-plan bat egin dezatela eskatzen, fabrikaren etorkizuna bermatzeko. EH Bildutik ere eskaera luzatu diegu Eusko Jaurlaritzari, arazo honetan inplikatu dadin. Izan ere, Uribe Kostan geratzen zaigun industria apurra desagertzeaz dago. Maiatzaren 20an, 19:00etan, Berangoko kaletan elkar ikusiko dugu!



AHALDUNTZE-ESKOLA, ERREFERENTZIAZKO ESPAZIOA

Aurreko larunbatean Ahalduntze-eskolako 2021-2022ko ikasturte-amaierako ekitaldia egin genuen, eta nabarmendu nahi dugu eskola oso proiektu garrantzitsua dela bai Getxoko emakume guztientzat, bai gure udalerrientzat. PSE-EEko kideok uste dugu **bidezkoagoa eta berdinzaleagoa den gizartea sortzeko** modu eraginkorra dela. Eskola sortu zenetik jada 1700 emakume bertaratu dira, 30 sorteri desberdinetako emakume getxoztarrek, adin eta pentsamendu desberdinetakoak; horrela, eskola sendotu da **feminista, kulturarteko eta belaunaldiarteko espazio gisa**. Parekotasun-ikuspegiarekin

parte-hartze komunitarioa hobetzeko tresnak eskaintzen dituten tokia da, erreferente diren emakume gehiago ikusarazteko, aurrerapen politiko eta soziala sortuz; izan ere, ordezkaritza-organoetaraino heldu behar gara emakumeak eta komunitatean eragiten duten erabakiak hartu behar ditugu, **benetako eraldaketa soziala sortze aldera**. Ia 300 ikastaro egin dira dagoeneko eta, horien bidez, askotariko esparruak landu ahal izan ditugu, hala nola **osasuna, autozaintza eta autonomia**; halaber, **trukerako sareak** eratu ditugu, gure nortasuna landu dugu **eta komunikazio-estrategiak** ikasi ditugu.



LGTBIFOBIARI EZ

Gaurko moduko egun batez, 1990ean, Osasunaren Mundu Erakundeak homosexualitatea despatologizatu zuen. Gaur egun, 32 urte igaro ondoren, indarkeria LGBTIfobikoaren bolada onartezina bizi dugu zoritxarrez. Gorroto-diskurtsoak areagotu izanak ondorio zuzenak ditu, eta etxeko ateraino heldu zaizkigu: adingabe baten aurkako eraso LGBTIfobiko bat egon zen Algortan duela gutxi. Ez da horrelako zerbaite gure

udalerrian gertatzen den lehenengo aldia; horrenbestez, Elkarrekin taldeko kideok Getxoko LGBTIfobiaren aurkako diagnostiko eta behatoki baten baitan hartzeko neurriak proposatzen jarraitu dugu, eta gobernu-taldeak baztertu zuen mozioa. Kolektibo horiei babes emateko udal-politika publiko ausartak behar ditugu, argazki eta keinuz gain. elkarrekinpodemos@getxo.eus / www.elkarrekingetxo.blogspot.com